

Erindisbréf íþrótta- æskulýðs- og menningarnefndar

Stjórnskipuleg staða:

Nefndin heyrir undir sveitarstjórn. Verksvið nefndarinnar eru að vera sveitarstjórn til ráðuneytis í íþrótta- og æskulýðsmálum og hafa frumkvæði að tillögugerð á því sviði til sveitarstjórnar. Nefndin skal vera sveitarstjórn til ráðuneytis í menningarmálum og hafa frumkvæði að tillögugerð á því sviði til sveitarstjórnar og hafa umsjón með menningarviðburðum.

Skipun nefndar:

Í íþrótta- æskulýðs- og menningarnefnd eiga sæti fimm fulltrúar sem sveitarstjórn kýs til fjögurra ára að afloknum sveitarstjórnarkosningum samkvæmt ákvæðum sveitarstjórnarlaga. Á sama hátt eru kjörnir fimm fulltrúar til vara. Sveitarstjórn kýs formann nefndarinnar en á fyrsta fundi sínum kýs nefndin varaformann og ritara.

Sveitarstjóri getur settið fundi nefndar sé þess óskað eða þegar þurfa þykir með málfrelsi og tillögu rétt.

Hlutverk íþrótta- æskulýðs- og menningarnefndar

Nefndin hefur faglega umsjón með málefnum er varða íþrótta- og æskulýðsmál í sveitarfélaginu ásamt menningartengdum verkefnum og viðburðum. Nefndin skal starfa innan laga, reglugerða og samþykktar hverju sinni. Nefndin skal starfa í anda stefnu, framtíðarsýnar, hlutverka og gilda Flóahrepps með hliðsjón af Heimsmarkmiðum Sameinuðu þjóðanna.

Helstu hlutverk nefndarinnar eru:

- Að starfa í nánu samstarfi við félagasamtök í sveitarfélaginu svo sem kvenfélög, ungmennafélag, kirkjukóra.
- Að starfa náið með umsjónarmanni félagsmiðstöðvar að mótun, þróun og stuðningi við starfsemi félagsmiðstöðvarinnar.
- Að samræma og skipuleggja íþrótta- æskulýðs- og menningartengd verkefni sem snúa að frjálsum félögum í sveitarfélaginu.
- Að huga að tækifærum til góðrar nýtinga á félagsheimilum í sveitarfélaginu.
- Að koma með tillögur að fyrirkomulagi hvatastyrkja frá sveitarfélaginu.
- Að skipuleggja menningartengda viðburði í sveitarfélaginu svo sem tónaháið.
- Að skipuleggja hátíðina Fjör í flóa árlega að vori.
- Að auglýsa og fara yfir umsóknir um menningarstyrki í Flóahreppi árlega að vori í samræmi við reglur um úthlutun.
- Að tilnefna íþróttamann Flóahrepps árlega í samráði við ungmennafélagið Þjótanda.
- Að stuðla að menningartengdri starfsemi og viðburðum innan sveitarfélags og utan.
- Að stuðla að frekari eflingu á félagsstarfi ungmenna, bæði innan sveitarfélags og utan.
- Að vinna í samstarfi við vinnuhóp um heilsueflandi samfélag í Flóahreppi.
- Að stuðla að heimsóknum íbúa sveitarfélagsins í menningartengda starfsemi á svæðinu svo sem bókasöfn, listasöfn, byggða- og náttúrusöfn.
- Að skoða útfærslur og möguleika á þjónustu til að efla og auka þátttöku barna og ungmenna í sveitarfélaginu í íþrótta- og æskulýðsstarfi.

Starfshættir:

Íþróttta- æskulýðs- og menningarnefnd kemur saman fyrir luktum dyrum á fastákveðnum fundartíma. Nefndin skal funda að jafnaði annan hvern mánuð. Skal nefndin gera samþykkt um fundartíma á fyrsta fundi sínum.

Nefndin skal halda gerðabók fyrir fundargerðir. Í gerðabók skal skrá hvar og hvenær fundur er haldinn, hverjir sitja hann og hvenær honum lýkur. Skrá skal einstök mál sem tekin eru fyrir á fundinum. Í lok fundar skal ritari lesa fundargerðina upp og allir viðstaddir undirrita hana. Trúnaðarmál skal færa í sérstaka gerðarbók, trúnaðarmálabók. Heimilt er að færa fundargerð nefndarinnar beint á tölvu skv. gildandi reglum sem sveitarstjórn setur.

Formaður sér um að boða fundi, fundarboðun skal vera skrifleg og skal tilgreina fundarstað, tíma og dagskrá. Fundarboð skal sent fulltrúum og öðrum sem seturétt hafa á fundum eigi síðar en tveimur sólarhringum fyrir fund. Fundirnir eru boðaðir með rafrænum hætti.

Formaður stýrir fundum nefndarinnar.

Fundur telst ályktunarhæfur ef meirihluti kjörinna nefndarmanna er mættur á fundi. Í atkvæðagreiðslu ræður afl atkvæða. Mál telst fallið í atkvæðagreiðslu ef atkvæði falla á jöfnu.

Formaður skal snúa sér til sveitarstjóra/sveitarstjórnar með eftirfylgni staðfestra samþykktu nefndarinnar.

Réttindi og skyldur fulltrúa

Um réttindi og skyldur fulltrúa gilda ákvæði sveitarstjórnarlaga og samþykktir um stjórn og fundarsköp Flóahrepps.

Fulltrúa er skylt að sækja fundi nema lögmæt forföll hamli. Hann skal láta formann vita um forföll með góðum fyrirvara.

Hver fulltrúi á rétt á að koma málum á dagskrá fundar, enda skili hann efni þess til formanns a.m.k. þremur sólarhringum fyrir fund.

Fundarmenn skulu hafa hag sveitarfélagsins að leiðarljósi við störf sín í nefndinni og eru atkvæðisbærir fundarmenn ekki bundnir af öðru en sannfæringu sinni, lögum og samþykktum um stjórn og fundarsköp Flóahrepps í atkvæðagreiðslu um málefni nefndarinnar.

Fundarmenn eru bundnir þagnarskyldu vegna mála sem þeir fá vitneskju um í starfi sínu fyrir íþróttta-æskulýðs- og menningarnefnd og ætla má að leynt eigi að fara samkvæmt eðli máls eða lögum. Þagnarskylda helst þó látið sé af störfum.

Um sérstakt hæfi nefndarmanna og áheyrnarfulltrúa gilda ákvæði sveitarstjórnarlaga. Fulltrúi skal víkja af fundi við umræður og afgreiðslu mála sem varða hann sjálfan, skyldmenni hans eða nánustu venslamenn.

Lög og reglugerðir:

Í störfum sínum skal nefndin taka mið af þeim lögum og reglugerðum sem um þjónustu veitna og gjaldskrár vegna þjónustunnar gilda, hverju sinni.

Samþykkt á fundi sveitarstjórnar 04.10.2022

Hulda Kristjánsdóttir, sveitarstjóri